

Broj: 07-02-1592-28/25/09
07-02-1593-24/26/09
01-07-1311-36/09
Mostar, 11.03.2010. godine

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH broj 13/04), člana 31. stava (2), člana 37. stava (5) i člana 53. stava (2) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH broj 59/04), te člana 36. stava (6), člana 46. stava (3), člana 48. stava (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH broj 37/05), te Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1592-07/25/09 i broj 07-02-1593-07/26/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09 i broj 01-07-1311-16/09 od 24.02.2010. godine, rješavajući po Zahtjevu za sticanje statusa umješača koji je u FERK primljen 05.03.2010. godine pod brojem 07-02-1592-15/25/09, brojem 07-02-1593-13/26/09 i brojem 01-07-1311-23/09, podnosioca Nezavisnog sindikata uposlenika Elektroprivrede HZ Herceg Bosne Mostar, Regulatorna komisija za električnu energiju u Federaciji Bosne i Hercegovine – FERK je, na III redovnoj sjednici, održanoj u Mostaru dana 11.03.2010. godine, donijela slijedeći

ZAKLJUČAK

- I. Odobrava se Zahtjev Nezavisnog sindikata uposlenika Elektroprivrede HZ Herceg Bosne Mostar za sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije koji je u FERK primljen 23.12.2009. godine pod brojem 07-02-1592/25/09, u postupku formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, te u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- II. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to u cilju efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.
- III. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

Образложење

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno učestvovati u postupku, svjedočiti i zahtjevati informacije putem člana FERK-a ili voditelja postupka formalne rasprave. U skladu sa članom 46. stavom (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 48. stavom (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stavom (6) i članom 49. istog pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09 i broj 01-07-1311-16/09 od 24.02.2010. godine određeno je da status umješača u formalnoj raspravi može steći pravno ili fizičko lice pod uslovim da blagovremeno podnese zahtjev za sticanje statusa umješača i da ispunjava kriterije: da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi s kojim podnosi zahtjev za sticanje statusa umješača, a koji je različit od općeg javnog interesa i da raspolaže podacima i činjenicama od važnosti za formalnu raspravu u trećem i/ili četvrtom tarifnom postupku koji se vodi pred FERK-om. FERK je putem Obavještenja za javnost o provođenju trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava, objavljenom u Dnevnom listu i Oslobođenju dana 25.02.2010. godine, te objavljenom na oglasnoj tabli i na web stranici FERK-a, odredio da se zahtjev za sticanje statusa umješača podnosi FERK-u do 09.03.2010. godine do 12:00 sati.

Dana 05.03.2010. godine, Nezavisni sindikat uposlenika Elektroprivrede HZ Herceg Bosne Mostar podnio je Zahtjev za sticanje statusa umješača u postupcima formalnih rasprava, koji je u FERK primljen pod brojem 07-02-1592-15/25/09, brojem 07-02-1593-13/26/09 i brojem 01-07-1311-23/09, a kojim je podnosilac zatražio sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, te u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca JP „Elektroprivrede HZ HB“ d.d. Mostar.

U zahtjevu za sticanje statusa umješača, podnosilac je naveo da broji oko 1.600 članova sindikata i da je njegova osnovna djelatnost očuvanje svakog radnog mjesta i borba za pojedinačna prava svakog zaposlenika koji proističu iz potpisanog Kolektivnog ugovora za elektroprivrednu djelatnost u Federaciji BiH i Zakona o radu, zatim da je mišljenja da politika određivanja cijena električne energije direktno utiče i na prava zaposlenika u ovom javnom preduzeću, koji su članovi Sindikata, posebno što se tiče primjene odredbi potpisanog Kolektivnog ugovora, te zbog toga traži da mu se kao umješaču omogući da ima pravo glasa i ravnopravan status pri vođenju tarifnih postupaka za cijelu JP „Elektroprivredu HZ HB“ d.d. Mostar, jer su djelatnici tog preduzeća i sindikalni članovi, te podnosilac ima moralnu i pravnu obavezu da se bori za njihova prava.

Rješavajući po Zahtjevu za sticanje statusa umješača podnosioca u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, te u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca JP „Elektroprivrede HZ HB“ d.d. Mostar, utvrđeno je da učestvovanje podnosioca u postupku može samo doprinijeti kvalitetu provođenja tarifnih postupaka, s obzirom da sindikalno djelovanje pretpostavlja kao jedan od svojih osnovnih ciljeva zaštitu interesa svog članstva, što se najbolje postiže kroz odgovorno korištenje imovine i resursa javnog preduzeća.

Budući da je podnosilac dokazao postojanje direktnog interesa za učestvovanje u postupku formalne rasprave po podnesenom Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po podnesenom Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, te u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca JP „Elektroprivrede HZ HB“ d.d. Mostar, te da raspolaže podacima i činjenicama od važnosti za ove formalne rasprave, odlučeno je kao u dispozitivu ovog zaključka.

PREDSJEDNIK FERK-a
Zdenko Šimunović s.r.